



# basic education

Department:  
Basic Education  
**REPUBLIC OF SOUTH AFRICA**

## NATIONAL SENIOR CERTIFICATE

**LIBANGA 12**

**SISWATI LULWIMI LWASEKHAYA (HL)**

**LIPHEPHA LESIBILI (P2)**

**INDLOVANA/INDLOVULENKHULU 2015**

**IMEMORANDAMU**

**EMAMAKI: 80**

Lememorandum inemakhasi la-19.

**TICONDZISO TEKUMAKA**

1. Nangabe umhlolwa aphendvule imibuto lengetulu kwaleyo lelindzelekile, maka timphendvulo letisekucaleni kuphela. (Umhlolwa akumelanga aphendvule indzabambhalo kanye nemibuto lemifisha encwadzini yinye.)
2. Esigabeni A, nangabe umhlolwa aphendvule ngato tonkhe totine tinkondlo (Tinkondlo letifundvwe eklasini), maka letimbili tekucala kuphela.
3. Esigabeni B na C (Lulwimi Lwasekhaya), nangabe umhlolwa aphendvule imibuto lemibili kulemifisha nobe imibuto lemibili yetindzabambhalo, maka imphendvulo yekucala kuphela uyekele lelandzelako. Nangabe umhlolwa aphendvule yomine imibuto, maka kuphela imphendvulo yembuto wekucala kuleso naleso SIGABA, ngaphandle kwekutsi uphendvule munye umbuto lonemibuto lemifisha namunye umbuto wendzabambhalo.
4. Nangabe umhlolwa anike timphendvulo letimbili lapho imphendvulo yekucala iliphutsa kantsi lena yesibili iliciniso, akumakwe imphendvulo yekucala yesibili ingamakwa.
5. Nangabe tinombolo tetimphendvulo tinemaphutsa, maka ulandzele immemorandamu.
6. Nangabe liphutsa lesipelingi litsikameta inshokutsi, akunganikwa limaki, kantsi nangabe inshokutsi ayitsikameteki, kunganikwa limaki.
7. Umbuto wendzabambhalo: Nangabe indzabambhalo inemagama langaphasi kwalawo lemisiwe, umhlolwa akangajeziswa ngobe vele sewutijezise yena ngekwakhe. Nangabe indzabambhalo iyindze kakhu, akahlolwe ngekwelikhono lakhe bese kucocisanwa nalabaphetse umsebenti wekumaka. Akusetjentiswe irubhriki yekumaka indzabambhalo lesesichibiyelweni A na B.
8. Imibuto lemifisha: Nangabe umhlolwa angakafaki bokhulumile nangabe kufanele acaphune akangajeziswa.
9. Emibutweni levulekile bahlolwa abanganikwa emamaki nangabe baphendvule ngetimphendvulo letitsi: YEBO/CHA nobe NGIYAVUMA/ANGIVUMI. Onkhe emamaki anikwa sizatfu/kuchaza ngalokugcwele/kwesekela/kucaphuna.
10. Emibutweni lefuna LICINISO/LIPHUTSA nobe LIPHUZU/UMBONO emamaki akangehlukaniswa emkhatsini, lokusho kutsi alikho limaki lelinikwa LICINISO/LIPHUTSA nobe LIPHUZU/UMBONO, onkhe emamaki anikwa sizatfu/kuchaza ngalokugcwele/kwesekela/kucaphuna.

**SIGABA A: TINKONDLO****TINKONDLO LETIFUNDVWE EKLASINI****UMBUTO 1: MAHLAHLANDLELA – JJ Thwala****INDZATJANAMBHALO**

Bafundzi balindzeleke kutsi balandzele luhlaka Iwekubhalwa kwendzatjanambhalo yetinkondlo lolulandzelako: Sihloko, umtimba nesiphetfo.

Buka nankha emaphuzu lalandzelako:

**SINGENISO:**

Kusetjentiswa kwesifanisongco enkondlwani lets, Mahlahlandela.

- Bahlolwa baphawula ngalokufisha ngekusetjentiswa kwesifanisongco kulenkondlo kuveta imfundvo. Sib 'Ulisango lemphilo, Sihlutfulelo semphilo njll.

**UMTIMBA:**

Kutsatfwa tifanisongco enkondlwani bese kubukwa kuhambelana kwato nalokushiwo yinkondlo. Sib.

- **Sango lemphilo yemuntfu:** Imfundvo ibitwe ngelisango lemphilo ngobe ngiyo lekungenwa ngayo emphumelelweni emphilweni yemuntfu. Ngaphandle kwayo akukho lapho umuntfu angangena khona atfole imphilo lencono.
- **Sihlutfulelo semphilo yemuntfu:** Imfundvo ikuvulela nobe ngabe kukuphi lapho ufunya kuya khona, ingce nje nawufundzele loko lokufunako. Ngiko ibitwa ngesikhya semphilo yanobe ngubani lofundzile.
- **Tibuko lemphilo yemuntfu:** Imfundvo itsatfwa njengelitibuko lelewelisa bantfu libasuse enhluphekweni libayise emphilweni lencono.
- **Mhlahlandela wemphilo yemuntfu:** Itsatfwa njengemhlahlandela loyinkhombandlela nalapho kumatima khona bantfu batibone sebasemphumelelweni.

(Naletinye tifanisongco letisetjentisiwe kulenkondlo lettingakabalwa lapha ngenhla kodvwa tihambelana nalokushiwo enkondlwani temukelekile).

**SIPHETFO:**

Kuphawulwa ngekuphumelela nobe kwehluleka kwasonkondlo kusebentisa sifanisongco njengesinongo lesinotsisa lulwimi Iwebunkondlo.

**BONA EMARUBHRIKI EKUMAKWA KWENDZATJANAMBHALO YETINKONDLO SICHI BIYELO A.**

[10]

**NOBE**

**TIMPHENDVULO TEMIBUTO LEMIFISHA****UMBUTO 2: IWIL' INSIKA – JJ Thwala**

- 2.1 Yimphindza – kuphindvwe ligama, ...'Cola.'/Sifanangwaca. (1)
- 2.2 Tendlulise kwemanti lageletako/Tendlulise kwemphilo yesotsamlilo. (Kunye kwaloku). (1)
- 2.3 Ulusebentisele kukhomba kutsi inkhulumo yakhe ayikaphelili isachubeka/ukhombisa sicedzelelamcondvo. (1)
- 2.4 Yinkondlosililo/Yi-eleji. (1)
- 2.5 Lesihloko sikhuluma ngekushona kwemuntfu lobalulekile/lolusito/lekwetsenjelwe kuye emndenini, kungenteka kube ngubabe welikhaya njengobe nensika isimisa indlu. (Kungenteka imibono yehluke kodvwa kwesekelwe). (2)
- 2.6 Uyibhekise ebantfwini labashonelwe bantfu labetsembele kubo ikakhulukati bomake labahanjelwe balingani babo ngobe sonkondlo uyadvudvuta aphindze ayale kutsi laba labashonelwe abalale ngelinceba. (2)
- 2.7 Bantfwana baba bondzingasitsebeni, bantfwana lebebefundza beswela bantfu bekubabhadalela sikolwa/kubate umuntfu lotawondla likhaya/nangabe kusele make ekhaya, kuyenteka ayowendza embili bantfwana basale bodvwa, nangabe kunetimali letishiywe ngumufi kuvamise kuba nembango, njll. (Naleminye imibono lenembako yemukelekile). (Kubili kwaloku). (2)  
[10]

**NOBE****UMBUTO 3: NGIHAYEL' INKONDLO – JJ Thwala**

- 3.1 Silinganisamcondvo. Kujabha – kudzangala, kunemcondvo lolinganako. (1)
- 3.2 Sonkondlo ufunu kuhaywe inkondlo letawenta ingcondvo icabange ijule ibe nelwati lolunotsisa ingcondvo. (1)
- 3.3 Sifanangwaca sa- Ng-. (1)
- 3.4 Lamagama asho kutsi lenkondlo ihaywe ingancamuki, ihaywe njalo njalo. (1)
- 3.5 Luchumano loluvundlile/lolutjekile lweligama, 'inkondlo.' Ligama lekugcinwe ngalo emgceni 15 kucalwe ngalo emgceni 16. (2)
- 3.6 Lemigca ayilingani ngekwelinani lemagama. Umugca 30 unemagama lamabili kantsi umugca 31 unemagama lamatsatfu. (2)

- 3.7 Kufanele kukhutsatwe kubhalwa kwetinkondlo kute tinkondlo tingashabalali/kufanele kutfutfukiswe likhono lekuhaywa kwetinkondlo ebantfwaneni labasakhula kute babe timbongi takusasa, njll. (Naleminye imibono lenembako yemukelekile).

(2)  
[10]**NOBE****UMBUTO 4: KANTS' UPHUMULA NINI? – JJ Ncongwane**

- 4.1 Imvumelwanosicalo: 'ngi-'/silinganisamcondvo: Ngilala/Ngitumeka/Iphethini ayifani.

(1)

- 4.2 Simo sekukhatsateka ngobe inhlitiyo ingaphumuli/sekugceka ngalendlela inhlitiyo isebenta ngayo/Simo seluvelo – kuvela inhlitiyo ngalendlela lesebenta ngayo.

(1)

- 4.3 Usho kutsi nakasebenta iyamkhutsata kutsi asebente/emini imenta asebente angavilaphi.

(1)

- 4.4 Kugcizelela nekugcamisa umsebenti lowentiwa yinhlitiyo lengaphumuli futsi/kugcizelela kukhandleka kwenhlitiyo ngekungaphumuli.

(1)

- 4.5 Sonkondlo ukhuluma ngenhlitiyo ngobe ngiyo leshaya busuku nemini impompa ingati igcumagcuma, yenta umtimba wemuntfu uhlale uphilile ngaso sonke sikhatsi. (Naletinye tindlela tekwesekela kutsi inkondlo ikhuluma ngenhlitiyo temukelekile).

(2)

- 4.6 Lona ngumbuto longafuni mphendvulo. Lombuto ungulesinye sikhali sebunkondlo lobusetjentiswa nakubhalwa inkondlo/sonkondlo uyamangala kutsi ngabe inhlitiyo iphumula nini.

(2)

- 4.7 Ayiphumuli ngobe iyatfutsela, ifise, ibalise ikukhumbute tintfo letenteka kadzeni, njll. Kuma kwenhlitiyo kusho kuphela nobe kushabalala kwemphilo yemuntfu ngobe usuke asashonile nobe asafile/ayiphumuli ngobe itfwele kuphila kwemuntfu. (Naleminye imibono lenembako yemukelekile).

(2)  
[10]

**TINKONDLO LETINGAKAFUNDVWA EKLASINI****TIMPHENDVULO TEMIBUTO LEMIFISHA****UMBUTO 5: BHALA MABHALANE – M Ngwenya.**

- 5.1 Khanyisela/Ukhanyisele boMajaheni bangene ebubabeni/ Ukhanyisele boNtfombi baphum' ebuntfombini/Khanyisela timphumphutse Makhanya. (1)
- 5.2 Bantfu labadzinga imfundvo/bafundzi. (1)
- 5.3 Sizatfu kutsi imfundvo ingetulu kwako konkhe, ngaphandle kwayo kute lokungenteka. (1)
- 5.4 Lemigca ye-4 ne-5 yalenkondlo ayilingani, Umugca 4 unemagama lamatsatfu kantsi umugca 5 unemagama lamane/lemigca yakha sicedzelelamcondvo. (Kunye kuphela) (1)
- 5.5 Ucondze kusitjela kutsi, imfundvo iholela/ichubela bantfu emphucukweni nekubasusa bumnyama bekungabi nemfundvo, njengetinkhomo natingena edibhini tisusa konkhe lokungafuneki emitimbeni yato. (2)
- 5.6 Akhetseke kahle, emadlelo laluhlata aluphawu Iwemphumelelo. Lapha kulenkondlo asho kuphumelela kwebantfu nasebatfole imfundvo. (2)
- 5.7 Lenkondlo ikhuluma ngemfundvo. Ngobe isho kufundza kwebantfu besuka ebumnyameni, ekungatini baye ekukhanyeni emphumelelweni. (2)  
[10]

**SAMBA SESIGABA A:** **30**

**SIGABA B: INOVELI****UMBUTO 6: *LIPHUME NEBOVU* – BB Malangwane**

Sakhiwo sendzabambhalo kumele sivete ***singeniso, umtimba nesiphetfo.***

**Umbono wembhali kulenoveli.**

**SINGENISO:**

Bahlolwa bachaza sihloko naloko labatawucoca ngako endzabenimbhalo yabo. Sib. Umbono lowetfulwa ngumbhali ngalenoveli 'Liphume Nebovu.' Bahlolwa kulindzeleke kutsi bavete ngalokufisha imibono umbhali layivetile, bese besekela ngalokwentekako kulenoveli. Indzabambhalo ingaveta imibono lefana nalena, sib. sitsembu.

**UMTIMBA WENDZABAMBHALO:**

Kulesigaba sendzabambhalo bahlolwa kulindzeleke kutsi bavete kabanti ngembono wembhali. Umbono wembhali awesekelwe kabanti ngetigameko letentekako, sib.

**Sitsembu:**

Umbhali uvete umbono wakhe ngemphilo yasesitsenjini. Loku ukuvete ngaletigameko letilandzelako:

- Indvodza ingaze iganwe, ikakhulukati lapho isebenta khona, iyakhohlwa ngelikayo inamatsele entfombini yayo, njengaLushawulo lapho asaganwe nguTintfombi wakhohlwa ngekondla LaMagagula nebantfwana labashiye ekhaya.
- Labanye bafati labancane bavame kungatiphatsi kahle emendvweni yabo baba naletinye tingani letibomakhwapheni letigcine tibatfolise bantfwana njengaTintfombi lowagcina aganile watfola umntfwana wemlumbi, abe Lushawulo akhona.
- Labanye batali bavamise kuba neligugu nebafti labancane banyundzele laba labadzala. Loko kubonakele kuLaHlophe nakuKhumalo nakutewetfulwa Tintfombi, bakhombisa kumtfokotela.
- Ngalesinye sikhatsi esitsenjini kuyaloyiswana nangabe kwenteke tigameko letingavisiseki kutsi tibangelwe yini. Kushona kwebantfwana baTintfombi nebaLaMagagula bekukholelwa kutsi baloywe nguLaHlophe lokwabangela kutsi Lushawulo aze amcoshe ekhaya.

(Naletinye tigameko letesekela umbono wembhali ngesitsembu letingakabalwa lapha temukelekile).

**SIPHETFO SENDZABAMBHALO:**

Kulesigaba sendzabambhalo bahlolwa basonga konkhe loku lebebacoca ngako lapha ngenhla, basho nekutsi ngabe umbhali uphumelele nobe wehlulekile kwetfula umbono wakhe ngetigameko letenteka esitsenjini.

**CAPHELA:** Bahlolwa abangaguduki etigamekweni letigcamisa umbono wembhali.

**BONA EMARUBRIKI EKUMAKWA KWENDZABAMBHALO, (SICHI BIYELO B)**

[25]

**NOBE**

**UMBUTO 7: LIPHUME NEBOVU – BB Malangwane**

- 7.1 Umoya waletheksthilengenhla ushubile ugcwele lusizi ngekushona kwemntfwana waTintfombi. (2)
- 7.2 Inkholelo yaLaMagagula yebuKhrestu ngobe kunele kwashona lomntfwana waTintfombi watfuma bantfwana kutsi bayewubika lesifo kamfundisi.  
'Muzi, hambani niyewubikela bakaMfundisi kutsi lomntfwana lebekagula sewendlulile.' (2)
- 7.3 Lelilanga lekwavela ngalo lesifo lapha kaLushawulo bekushisa kakhulu kantsi kusemakhaya indzaba yekuyisa sidvumbu emakhateni yintfo lengaketayeleti. Ngaloko-ke umtimba wemufi bewungaba sengotini yekonakala/Nangabe emakhata akhona kumele sidvumbu siphutfunyiswe khona masinya. (2)
- 7.4 Kukhala kwaTintfombi bekukutentisa, avala kutsi bantfu bangaboni kutsi nguye labetibulalela bantfwana bakhe njengobe kuvelile esiphetfweni senoveli lapho ashaywa khona emkhayeni. (2)
- 7.5 Lushawulo wafuta uyise ngekuteka sitsembu kanye nekusuka ekhaya ayewuhlala naTintfombi ashiye LaMagagula nebantfwana. Uyise waLushawulo naye abenesitsembu washiya LaHlophe nebantfwabakhe batihlalela bodywa./Nangalesikhatsi Lushawulo aletsa Tintfombi kuyise, wakujabulela kumbona, akazange amsole ngalutfo ngobe naye bekayindvodza yesitsembu. (2)
- 7.6 Sicakacula yincenyeyesakhiwo sendzaba lapho tigameko setihlangahlangene ngendlela ledida balingisi ekutsatseni tincumo letifanele. Sicakacula kulenoveli kulapho bantfwana baLushawulo bafa butsaphutsaphu naye sekadidekile kutsi ngabe bantfwabakhe badliwa yini azeacoshe nenina atsi uyatsakatsa. (2)
- 7.7 Nangabe inkinga leyabangela kutsi Lushawulo angeti emngcwabenin wemntfwanakhe totalwa yintsandvokati yakhe kungaba kufika kadze kwembiko wekufa kwalomntfwana, etikhatsini talomuhla tinyenti tindlela tekuphutfumisa umlayeto lophutfumako, sib. Makhalekhukhwini/i-imeyili/ncwadzilucingo/njil. (Kubili kwaloku). (2)
- 7.8 Umbhali walnoveli uyakholelwa etinhlolweni ngobe kuyavela kutsi tinhlolo tavele tabalandvulela kutsi umkhuhlane ungabuyela emuva, kwavele kwaba njalo, umntfwana washona. (2)
- 7.9 Imibono itawehluka. Labanye batawutsi uyatisukumela tindzaba temuti wakhe, banike sibonelo sekuhamba eva kulabanemanga kutsi bantfwabakhe badliwa yini. Labanye batamsola ngetizatfu letinyenti kutsi wephuta kusukumela kufa kwebantfwabakhe, ngabe waphangisa ngabe akumange kufe labanyenti kangaka. Nalokutsi bantfwana bakhe bangcwatjwe angekho/ kuletsa emapulango elibhokisi yena angabi khona emngcwabenin wemntfwana waLaMagagula. (Nalamanye emaphuzu lacashunwe encwadzini emukelekile). (2)

- 7.10 Imibono yebahlolwa itawehluka. Labanye batawuhambisana nekwelashwa kwesintfu kutsi nobe ngabe abeyiswe kuphi abetawuvele endlule emhlabeni. Labanye batawugceka babone ngatsi kube abeyiswe kulabamhlophe esibhedlela ngabe waphila. (2)
- 7.11 LaMagagula bekakholelwa enkholweni yebuKrestu ngobe wabita umfundisi nakushona umntfwana waTintfombi/waya kumake mfundisi ngalesikhatsi atsi sewucabanga kubuyela ekhaya kubo. Lushawulo yena ukholelwa enkholweni yendzabuko, yetinyanga/yekuphengula/yemkhaya ngobe waya emkhayeni nakutfolakala kutsi umtsakatsi lomkhulu nguTintfombi. (2)
- 7.12 Ingikitsi yalenoveli sitsembu. Tigameko letiveta loko sobala: Lushawulo unebafti lababili/esitsenjini akuvanwa kuyaliwa/kuba khona kubandlululana njengobe Lushawulo nenina bebatsanza Tintfombi nebantfwabakhe kunaLaMagagula nebantfwabakhe, njll. (Naleminye imibono yemukelekile). (3)  
[25]

## NOBE

### **UMBUTO 8: KUBAMBA LETINGELAKO – DE Nkosi**

Sakhiwo sendzabambhalo kumele sivete **singeniso, umtimba nesipheto**.

**Umbono wembhali kulenoveli.**

#### **SINGENISO:**

Bahlolwa bachaza sihloko naloko labatawucoca ngako endzabenimbhalo yabo. Sib. Umbono lowetfulwa ngumbhali ngalenoveli, 'Kubamba Letingelako.' Bahlolwa kulindzeleke kutsi bavete ngalokufisha umbono wembhali bese besekela ngalokwentekako kulenoveli.

#### **UMTIMBA WENDZABAMBHALO:**

Kulesigaba sendzabambhalo, bahlolwa kulindzeleke kutsi bavete kabanti ngembono wembhali ngekwesekela kabanti ngalokwenteka enovelini.

Umbhali uvete umbono wakhe ngemfundvo nemalungelo ekufundza kutsi kubalulekile kanye netintfo lettingaba tihibe ngenchubekelembili yemfundvo. Loku ukuvete ngaletigameko letilandzelako:

- Uvete Mphikeleli abuyela esikolweni ayofundza sekamdzala. Kutsite nalapho sekacoshiwe esikolweni wenta taba tekutsi abuyiselwe esikolweni kute afeze umbono wembhali ngekubaluleka kwemfundvo.
- Kuphumelela kwakhe nekuhlakanipha kwakhe emfundvweni kwamenta wakhona kubamba imihlangano yetigodzi ayihambise kahle ngekulandzelela luhlelo. Loku kwamenta waze wakhetfwa waba likhansela lendzawo.
- Kuyofundzela umsebenti wekuphatsa ummango eVaal kwamenta agcine asaphetse ayimyea. Kufundza nekusebenta kwakhe ngekutikhandla kwamenta wakhetfwa waba ngusosifundzave.

- Kucoshwa kwaMphikeleli kuvete ngalokusobala kutsi Sikhulu Tsabetse bekangawahloniphi emalungelo ebantfwana ekufundza. Tinchubomgomu tesikolo bekangatilandzeleli. Mphikeleli waze wasitwa nguMatsiya lowammela ngekuveta emagazethi latsi unelilungelo lekufundza.
- Sikhulu Tsabetse akazange afune kubona Mphikeleli aphumelela aba ngumuntfu ngiko etama ngako konkhe lokusemandleni akhe kutsi acime likusasa lakhe emfundvweni, kodvwa wagcina angakaphumeleli.

(Naletinye tigameko letesekela umbono wembhali ngekubaluleka kwemfundvo lettingakabalwa lapha temukelekile).

#### **SIPHETFO SENDZABAMBHALO:**

Kulesigaba sendzabambhalo bahlolwa basonga konkhe loku lebebacoca ngako lapha ngenhla, basho nekutsi ngabe umbhali uphumelele nobe wehlulekile kwetfula umbono wakhe ngemfundvo nemalungelo emfundvo kanye netintfo lettingaba tihibe ngenchubekelembili yemfundvo enovelini.

**CAPHELA:** Bahlolwa abangagudluki kuloko labakubona kungumbono wembhali nekuphindza bacaphune tigameko letisendzabeni letigcamisa loko.

#### **BONA EMARUBHRIKI EKUMAKWA KWENDZABAMBHALO (SICHIBIYELO B.)**

[25]

#### **NOBE**

#### **UMBUTO 9: KUBAMBA LETINGELAKO – DE Nkosi**

- 9.1 Tinkhanyeti tigcamisa loku lokulandzelako: kukhutsata nekujivata tento letitsite, kufundzisa, kubonisana, kwelulekana, kumisa sibindzi. (Kubili kwaloku). (2)
- 9.2 Kudla kudla lokunemphilo, kunatsa emaphilisi ekunciphisa umtimba, kusebentisa imishini lemunya emafutsa emtimbeni. (Naletinye tindlela tekunciphisa umtimba temukelekile). (2)
- 9.3 Yebo. Letheksthi inenhoso yekutfutfukisa lulwimi. 'Bantfu labanyenti bayatitsandza futsi bayakholelwa etinkhanyetini ngako-ke kumele tibocanija emagama eSiswati.' (2)
- 9.4 Lusha lungazuza ngekutsi imitimba yalo ihlale iphilile/ingcondvo ingasebenta ngalokushelelako/kuncipha kwebugebengu nekusetjentiswa kwetidzakamiva. (Naleminye imibono yebuhle bekutibandzakanya emidlalweni). (2)
- 9.5 Indzaba lebhaleke kahle inetigameko letibumbene, letitselelana emanti letingenta kutsi natikhishiwe indzaba ingachubeki kahle futsi ingatfutfuki. Lesigameko lesikuletheksthi lengenhla asikabaluleki ekutfutfukeni kwalendzaba nesakhiwo sayo. Nanobe singakhishwa indzaba ingachubeka ngaphandle kwekuphazamiseka. (2)

- 9.6 Sigameko lesiluvutfondzaba ngulapho kulindzelwe imiphumela yelukhetfo. Mphikeleli uyancoba elukhetfweni utsatsa sikhundla lesikhulu sekuba nguSosifundzave. (2)
- 9.7 Besingakalindzeli kutsi Tsabetse angemukela Mphikeleleli ngalendlela lamemukela ngayo nekuva kutsi yena Tsabetse lucobo Iwakhe angalikhipha livi lekutsi uyacolisa kuMphikeleli. (2)
- 9.8 Sikolo saseKhayaletfu siphetfwe ngumtimba lomela batali lapho Tsabetse angusihlalo khona njengobe netikolo tasemimangweni yalomuhla nato tiphetfwe ngiyo imitimba yebatali/Thishelanhloko waseKhayaletfu abengatitsatseli tincumo njengobe nakuletikolo talomuhla tincumo titsatfwa ngekuhlanganyela nemitimba lemele batali. (2)
- 9.9 Wehlulekile kulilandzela. Loku Lotifiso labekufisile lokukubona Magumeni aphumelela elukhetfweni akuzange kwenteke kwaphumelela Mphikeleli. Sifiso saLotifiso sekutsi Mphikeleli ehluleke eluhlelweni Iwakhe Iwekwakhela bantfu tindlu tekuhlala letenele kucedvwe imikhukhu naso asizange siphumelele. (2)
- 9.10 Ngekwemtsetfosisekelo waseNingizimu Afrika wonkhe umuntfu uyalingana ngekwemisebenti nemidlalo lefanele idlalwe njll. Yonkhe imidlalo kufanele ingabndlululi ngekwebulili. Lesitatimende siyabndlulula ngekwebulili. (2)
- 9.11 Inkhanyeti yaMphikeleli, i-Aries, itsi 'utawuzuza tidzingo angaketeleli.' Loku kufakazelwa kuvela kwemaciniso ngekushona kwebatali bakhe nalapho bangcwatjwa khona. Khulumile watibula ngemfana lotawandzisa sibongo saMphikeleli, wabuye wakhetfwa waba ngusosifundzave ekugcineni kwalenoveli. (2)
- 9.12 Umlayeto lowetfulwa ngumbhali kulenoveli yakhe ngulotsi, 'beketela utawuzuza ekugcineni.' Mphikeleli usibonelo sekutsi nangabe ufuna intfo, uyifuna ngekwelisiniso ungancoba nobe ngabe ngutiphi tihibe lohlangana nato endleleni, inkhani nje nawubeketela uphindze uphikelele. (3)  
**[25]**

**SAMBA SESIGABA B:** **25**

**SIGABA C: UMDLALO****UMBUTO 10: KWAHLWA EMINI – JJ Thwala**

Sakhiwo sendzabambhalo kumele sivete ***singeniso, umtimba nesiphetfo.***

**Emasu lasetjentiswe ngumbhali kuveta badlali balomdlalo.**

**SINGENISO:**

Bahlolwa bachaza sihloko naloko labatawucoca ngako etindzabenimbhalo tabo. Sib. Emasu lasetjentiswe ngumbhali kuveta badlali balomdlalo, 'Kwahlwa Emini.' Bahlolwa kulindzeleke kutsi bavete ngalokufisha emasu lasetjentisiwe labatawugcila kuwo kuveta labadlali labatikhetselona. Indzabambhalo ayibhekiswe emaswini lamatsatfu umholowa latikhetselona.

**UMTIMBA WENDZABAMBHALO:**

Bahlolwa abacoce ngaloko labakuphawule kafisha esingenisweni. Bahlolwa bacoca ngemasu lasetjentiswe ngumbhali kuveta badlali balomdlalo babuye banike sibonelo semdlali ngamunye labamkhetsile kwesekela labakushoko, sib.

**Kutikhulumela (tinkhulumiswano tebadlali):**

- LaJele uvetwe ngetinkhulomo kutsi akanawo emaciniso. Loku kuvele lapho akhuluma naNkhanise amtjela kutsi nguye lomdzala kaNhlapho abe ati kahle kutsi wefika naye. Utsi nguye insika yesive, bukhozi bakhe kantsi nesive siyakwati loko.
- Nakatsi Ntfwasahlolo umtjela kutsi ungumlanjwana utsi angamlaleli ngobe uyahlanya.
- LaJele utsi utawesekela Nkhanise kulula, kumatima ngalesikhatsi amtjela ngemasu ekuhlasela Makhosi.
- Loku kuveta LaJele njengemdali longaketsembeki, longenamaciniso, lonemfundziso lembi ebantfwaneni ngetinkhulomo takhe.

**Kubetsa emabito:**

- Makhosi wetsiwe ligama lelikhomba kutsi utawuphatsa abuse sive. Loku kuvela ngalesikhatsi Mkhalelwaa amkhetsa emadvodzaneni akhe kutsi utawuba yinkhosii yakaNhlapho atsatse tintsambo kuye.
- Lamlandzela libito lakhe ngekutsi umbhali walomdlalo ente tigameko takhe tivulele Makhosi indlela yekutsi abe yinkhosii ekugcineni kwalomdlalo.

**Tento:**

- Tento taNdzabeni timenta avele njengemdali longakatsembeki. Uyinyanga letsenjiwe kaNhlapho lesjetjentisa kucinisa emakhosi. Mkhalelwaa ucele yena kutsi acinise Makhosi ngembikwelusuku Iwekubekwa, akenti njengobe ayaliwe uphikisana nesincumo senkhosi.
- BoNkhanise nabo bacela yena kutsi asebentise imitsimbumbulu, acinise Makhosi, uvumelana nabo ngobe etsenjiswe sikhundla lesisetulu nasekuphetse bona.
- Ndzabeni uphindze abe yincenyel yelibandla leMfelandzawonye lowenta licebo lekubulala Makhosi. Lesento sivete kungetsembeki kwakhe enkhosini nasesiveni sonkhe ngobe kugcine sekufe bantfu labanyenti ngalesento sakhe.

- Ndzabeni watsi nanobe Mkhalelwa asamtjelile kutsi Makhosi yindvodzana yakhe yekucala, yena wachubeka walwa nesincumo sekutsi Makhosi atsatse bukhosi, wese kela kutsi kuba nguNkhanise lobusako. Letento timenta avele njengemdali longaketsembeki njengesetsenjwa saMKhalelwa.

(Nalamanye emasu langakabalwa lasetjentiswe ngumbhali kuveta badlali bakhe emukelekile).

#### **SIPHETFO SENDZABAMBHALO:**

Kulesigaba sendzabambhalo bahlolwa basonga konkhe loku lebebacoca ngako lapha ngenhla, basho nekutsi ngabe umbhali uphumelele nobe wehlulekile kusebentisa lamasu lekucocwe ngawo ekuveteni badlali balomdlalo.

**CAPHELA:** Bahlolwa kumele bacaphune tigameko letisemdlalweni letesekela imibono yabo.

#### **BONA EMARUBHRIKI EKUMAKWA KWENDZABAMBHALO SICHIBIYELO B.**

[25]

#### **NOBE**

#### **UMBUTO 11: KWAHLWA EMINI – JJ Thwala**

#### **IIMIBUTO LEMIFISHA**

- 11.1 'Ngihleli phasi ngabukisia.' (2)
- 11.2 • Lusuku lolulandzelako (Umgcibelo) lusuku Iwekubekwa kwaMakhosi. Lokungakholweki kutsi kufike umuntfu lowatiwako kutsi usitsa saMakhosi atewumbita atsi ubitwa yintfombi yakhe futsi ufika ebusuku bese naMakhosi usukumela etulu uya lapho abitwa khona.  
• Nasekusondzele lusuku Iwekubekwa kwenkhosi, indlela lokwentiwa ngayo tintfo iyantjintja, inkhosu nalabasondzelene nayo bayazitsa, bahlaliseke bangazulazuli. Makhosi ubonakala analungile bahleti phasi kwesihlahla khashane nasemphakatsi. Loku kwenta kutsi tintfo letentekako kuletheksthi tingakholweki ngobe atihambelani nekuzitsa. (2)
- 11.3 Kulomdlalo kuyashiwo kutsi Makhosi naNdleleni bebakhontene. Libandla leMfelanzawonye lakubona kulitfuba lelihle kusebentisa Ndleleni ngobe akukho lokubi Makhosi labengamcabangela kona. (2)
- 11.4 Indlondlo yimamba (inyoka) lendzala, umuntfu longaketsembeki ubitwa ngenyoka. Ndlongdlo yinyanga lenkhulu yaMkhalelwa layetsembile. Nguye lotfunywe kutsi elaphe Makhosi kodvwa kunekutsi amelaphe ulumba sijula sekutsi simbulale ngobe uvumelene naboNkhanise, uphambana nelivi lenkhosi. (2)
- 11.5 Lenzawo isikhanyisamcondvo salapho kwafela khona boSicongo naNdleleni. Ndleleni wagwazwa nguSicongo walala etikwematje wafela khona, Sicongo washayisa kabuhlangu edvwahleni laleliwa wasaphaka bucopho. (2)

- 11.6 Timphi/Ludlame. Emvakwekutsi Makhosi sakhetsiwe kutsi kutawuba nguye inkosi yaseLusizini, Nkhanise akafunanga kuyohlala phansi neyise Mkhalelwa kutfola emaciniso aloko kepha wenta emasu nelibandla leMfelandzawonye ekutsi Makhosi abulawe kute kutewubusa yena njengendvodzana lendzala yakaNhlapho. (2)
- 11.7 Ngiyavumelana naloko. Kufihlelwa kwebantfwana emaciniso ngemvelaphi yabo kuyawavula emehlo etetsamelilwati ngekutsi ummango ubone ingoti yaloko ngobe bantfwana bagcine sebabanga emafa langakacondzani nabo njengaNkhanise/kulwelwa kwetikhundla letingekho emtsetfweni kuyingoti lenkhulu ngobe umuntfu uyafa nekufa njengaSicongo lobekalekelela Nkhanise kutsi atfole bukhosi lobungakamfaneli kute naye abe sesikhundleni. Loko kuyawavula emehlo etetsamelilwati ngekutsi tikugweme loko. (Naleminye imibono lenembako yemukelekile). (2)
- 11.8 Bomakhalekhukhwini/Lucingo belutawenta kube luhuni kuboSicongo kuyewubita Makhosi batsi ubitwa nguLungile ngobe Lungile nakafuna Makhosi bekatawuvele advonse makhalekhikhini/lucingo wakhe ashayele Makhosi. Nalolusizi Iwekuwa kwaNdleleni naSicongo beluyogwemeka. (Imibono itawehluka ngeluhlobo Iwethekhnoloji lekhetsiwe). (2)
- 11.9 Imibono itawehluka ifake ekhatsi loku lokulandzelako:
- Esikhatsini lesinyenti, labanye bantfu bayabikelwa nakukhona lokubi lokutawenteka kubo nobe kwentakalele bantfu labasondzelene nabo. NaLungile kucatjangwa kutsi abebikelwa kutsi kukhona lokubi lokutawehlela Makhosi ngelusuku Iwekubekwa kwakhe, ngiko bekashaywa luvalo.
  - Kunetinsongo labetiva ngebantfu kutsi Makhosi angeke alibuse laseLusizini. Loku bekwenta kutsi nangabe acabanga lusuku lolulandzelako Iwekubekwa kwaMakhosi, ashaywe luvalo.
  - Emaphupho lamabi lapho Lungile bekabona khona sive sidvumele, simangele, ngiwo lebekamenta ashaywe luvalo nangabe acabanga lusuku IwangeMgcibelo. (Naleminye imibono lenembako yemukelekile). (2)
- 11.10 Lesisho sichaza kwenta intfo letakufaka enkingeni lewungeke ukhone kuyimela ekugcineni. Nkhanise nelibandla leMfelandzawonye belingati kutsi ngekwakhela Makhosi luzungu lekumbulala bebatifaka bona enkingeni naku ekugcineni bayafa. (2)
- 11.11 Lombali usebentisa lulwimi lolujulile. Sib. Lijiko-ligama lelihloniphisa lilanga, -ngangetihlabatsi telwandle-sifaniso lesichaza bunyenti bebantfu. (2)

11.12 Imibono itawehluka labanye batawutsi Nkhanise utibilele yena matfupha ngobe bebayalisisiwe kutsi lesijula lesilunjelwe Makhosi bangasitsints. Nkhanise naSicongo bephula lowo myalo basitsints. Nkhanise utigwaze ngesakhe.

Labanye batawutsi nguNdzabeni ngobe inkosi yamtfuma kutsi ngelusuku lolwendvulela uMgcibelo ayowelapha Makhosi ngemitsi lecondzene nemakhosi. Kunekutsi amelaphe uvumelana naboNkhanise kutsi elumbi lesijula lesitawunikwa Makhosi ngebutsi kute simbulale ngelishwa sabanjwa nguNkhanise ngeliphutsa sambulala. (Naleminye imibono lenembako yemukelekile).

(3)  
[25]

## NOBE

### **UMBUTO 12: UMVUZO – NS Nzima**

Sakhiwo sendzabambhalo kumele sivete **singeniso, umtimba nesiphetfo**.

**Emasu lasetjentiswe ngumbhali kuveta badlali balomdlalo.**

#### **SINGENISO:**

Bahlolwa bachaza sihloko naloko labatawucoca ngako etindzabenimbhalo tabo. Sib. Emasu lasetjentiswe ngumbhali kuveta badlali balomdlalo, 'Umvuzo.' Bahlolwa kulindzeleke kutsi bavete ngalokufisha emasu lasetjentisiwe labatawugcila kuwo kuveta labadlali labatikhetselona. Indzabambhalo ayibhekiswe emaswini lamatsatfu umhlolwa latikhetselona.

#### **UMTIMBA WENDZABAMBHALO:**

Bahlolwa abacoce ngaloko labakuphawule kafisha esingenisweni ngenhla. Bahlolwa bacoca ngemasu lasetjentiswe ngumbhali kuveta badlali balomdlalo babuye banike sibonelo semdlali ngamunye labamkhetsile kwesekela labakushoko, sib.

#### **Kutikhulumela (tinkhulumiswano tebadlali):**

- LaMbuli uvete ngetinkhulomo kutsi ungumdlali ionenhltiyo lenhle, unemoya wekukholwa, unesineke, ukhatsalela imfundvo yebantfwana futsi uyafundzisa. Siva ngenkhulomo yakhe lapho acoca naLaNgwenya atsi umntfwana kumele esekelwe ngumtali wakhe ngalokuphelele esikolweni. Umtali kumele ahambele imihlangano yesikolo eve kutsi kutsiwani ngebantfwana. Uyokhulumisana nebatali baSatile ngekutsi Satile kumele atewufundza naBatjele njalo ntsambama.
- Simtfola afundzisa Batjele ngenhloniphaphindze atjele LaNgwenya kutsi indlela yekukholisa bantfwana kumele igcizelele esiveni sonkhe. Utsi kuhula kumele kuhambisane nekutifoba, bucotfo, buntfu nebunye.
- Imfundziso lenhle lebekayitjala emntfwaneni wakhe, Batjele ngiyo leyenta kutsi aphumelele ngemalengiso etifundvweni takhe ekupheleni kwemnyaka.

**Kubetsa emabito:**

- Batjele wetsiwe ligama lababekati wakhe lowatjela emaBhembe wawekhuta ekwenteni lokubi ngesikhatsi kwandze bufelokati, kufelwa nebuntsandzane, kuwa tinsika temiti tilandzelana. Naye ke Batjele abetjela bangani kutsi bafundze futsi abekhute ekwenteni lokubi.
- Etifundvweni bekuba nguye lohamba embili. Tonkhe tintfo bebatitjelwa nguye. Wabatjela ngemasu langasetjentiswa kute bafole lusito bayekele tidzakamiva baphumelele etikolweni. Watjela Satile kutsi aketame acocisane nebatali bakhe kuze kulungiswe simo lesingahambi kahle sekutsi kuhlale kunemsindvo ekhaya angakhoni kufundza.
- Tingcoco temacembu betiholwa nguye ashiyelana Iwati nalabanye bafundzi ngekubaluleka kwemfundvo.

**Tento:**

- Tento taSatile timenta avele njengemdlali longatiphatsi kahle. Uphila imphilo yakhe, akafuni kulalela nabamyala. Ungumntfwana wesikolo kodvwa unatsa tjwala, ubhema ligwayi, sewuze ugamancele nasemutsini wetindzala/insangu.
- Unebangani lababi, uhamba naMlandzeli badoja sikolo, nobe boBatjele bamekhuta akabalaleli. Akenti umsebenti wesikolo. Loku kwamenta wangaphumeleli ekupheleni kwemnyaka.
- Ulihlongandlebe, akalali ekhaya, uhlala nemadvodza lamadzala kunaye. Loku kwamenta wagcina sekagula angenwe sifo sembulalave.

(Nalamanye emasu langakabalwa lasetjentiswe ngumbhali kuveta badlali bakhe emukelekile).

**SIPHETFO SENDZABAMBHALO:**

Kulesigaba sendzabambhalo bahlolwa basonga konkhe loku lebebacoca ngako lapha ngenhla, basho nekutsi ngabe umbhali uphumelele nobe wehlulekile kusebentisa lamasu lekucocwe ngawo ekuveteni badlali balomdlalo.

**CAPHELA:** Bahlolwa kumele bacaphune tigameko letisemdlalweni letesekela imibono yabo.

**BONA EMARUBRIKI EKUMAKWA KWENDZABAMBHALO, SICHIBIYELO B.**

[25]

**NOBE****UMBUTO 13: UMVUZO – NS Nzima**

- 13.1 Mane emalanga labengasebenti ngawo ngoba bekasebenta ngeMsombuluko, Lwesitsatfu nangaLwesihlanu (2)
- 13.2 Kubamba kwakhe ematoho kuchaza kona kutsi simo semnotfo kabobesingenetisi tidzingo takhe tesikolo lokusho kutsi abedzinga imali ngobe batali bakhe bangenawo emandla ekumenetisa. (2)
- 13.3 13.3.1 Ngumbono.  
13.3.2 Ngemaciniso. (2)
- 13.4 Imibono itawehluka, sib. Kukhohlisana ngekuyekela sikolo/bugebengu/telutsandvo basebancane, njll. (Kubili kuphela). (2)

- 13.5 Lusha luyekela sikolo luyewufuna imisebenti lungakacedzi kufundza/lutfola bantfwana sikhatsi singakefiki/lungenela emacembu emigulukudvu luyekele sikolo/lubhema tidzakamiva luyekele sikolo, njll. (Kubili lokukhombisa kungabeki imfundvo embili njenekwesicubulo saMakhulu). (2)
- 13.6 BoMlandzeli naSatile ngobe ekugcineni benta tona letintfo lebekabayala ngato Makhulu. (2)
- 13.7 Imibono itawehluka. Tifundza kutizabalazela kute titfole imali ngekubamba ematoho/Tifundza kutsi akudzingeki kutsi utsalwe tifundziswa kute nawe ufundze/Kutimisela emsebentini wesikolo kukwenta utfole lusito lwemifundzate, njll. (Kubili kwaloku). (2)
- 13.8 Timphendvulo kumele tibe tecwayiso ngembulalave. Sib. Kucaphela tifo temacasi ngekusebentisa tivikelitifo njengelijazi lemkhwenyane/kuba nemngani munye kutelutsandvo/kulalela tecwayiso letikhishwa Litiko Letemphilo ngesifo sembulalave, njll. (Imibono itawehluka kodvwa ishaye emhlolweni). (2)
- 13.9 Imibono itawehluka. Lemibuto ihlanganiswa liklasi lonkhe linike Satile naBatjele kube ngibo labayendlulisela kuMakhulu. Loko kubonakala ngobe Batjele uchazile kutsi imibuto yeliklasi lonkhe itawuchamuka kuye naSatile, lokukhomba kutsi lemibuto ilungiselelwe. (2)
- 13.10 Umbhali usebentise lisu lekuveta Makhulu angumuntfu lohlakaniphile ngendlela yetinkhulomo takhe lapho achaza khona indlela lakhule ngayo nendlela lafundze ngayo wate watfola umfundzate wekuyofundzela budokotela/Imiyalo yakhe imveta angumuntfu losibonelo nalokhatsalela lusha kutsi lugweme tintfo letimbi emmangweni, babeke imfundvo embili, njll. (Naletinye timphendvulo letihambisana nembuto temukelekile). (2)
- 13.11 Lusha IwaseNingizimu Afrika lutibandzakanya etintfweni letinyenti njengetepolitiki, buholi, imisebenti lehlukahlukene, lokudzinga bantfu labetayele kusebenta emacenjini nasebantfwini betikhundla letehlukene. Kucocisana kwabo netinyanga, bodokotela, batali, njll kubalungiselela kutsi babe baholi labetayele kusebenta nebantfu nekusebenta emacenjini lehlukahlukene. (Naleminye imibono yemukelekile nangabe iveta imiphumela yendlela lekufundvwa ngayo esikolweni saseMkhuphukantsaba). (2)
- 13.12 Umtsetfosisekelo waseNingizimu Afrika utsi umuntfu ngamunye unelilungelo lekuveta imibono yakhe ngalokukhululekile. Indlela lekuchutjwa ngayo kulesikolo ivalela labanye bafundzi ngaphandle banganikwa litfuba lekusho labakufunako kuletingcoco temacembu aseMkhuphukantsaba/kwenta tingcoco tichubeke ngalokuhlelekile kungabi nakuphazamiseka. Litfuba lekukhuluma balitfola nakugcogcwya lemibuto letawubutwa sikhulumi. (3)

**SAMBA SESIGABA C:** 25  
**SAMBA SAKO KONKHE:** 80

**SIGABA A: IRUBHRIKI YEKUHLOLA INDZATJANAMBHALO YENKONDLO [10 EMAMAKI]**

| Timphawu   | Emalengiso   | Licophelo leisetulu   | Lokwenetisako  | Lokusilele  | Lokungaphumelelisi   |
|--|--|---|--|---|--|
| LOKUCUKETFWE   | 8–10   | 6–7   | 4–5  | 2–3   | 0–1  |
| Kuchazwa kweshiolo<br>Kujula kwemibono,<br>Kwesekela nekuvisiswa<br>kwetheskthi<br><br><b>7 EMAMAKI</b>                            | -Sihloko sichazwe<br>ngalokujulile<br>-Luchungechunge<br>lwemaphuzu lababatekako<br>ekwesekela lacashunwe<br>enkondlweni<br>-Luhlobo lwembhalo kanye<br>nenkondlo kuvisiswa<br>ngemalengiso  | -Sihloko sichazwe<br>ngelicophelo leisetulu<br>kukhomba kusivisia<br>-Emaphuzu ekwesekela<br>ayevakala kodywa<br>akaketfulwa ngendlela<br>lelindzelekile<br>-Luhlobo lwembhalo kanye<br>nenkondlo kuvisiswa<br>ngelicophelo leisetulu | -Sihloko sichazwe<br>ngalokwenetisako<br>-Akhona lamanye emaphuzu<br>lamahle leseskela sihloko<br>ngalokwenetisako<br>-Leminye imibono yesekelwe<br>kodywa esikhatsini lesinyenti<br>bufakazi abukholweki<br>-Luhlobo lwembhalo kanye<br>nenkondlo akukavisiswa<br>kahle | -Kuchazwa kweshiolo<br>akwenetisi<br>-Kulukhuni kutfolia emaphuzu<br>lesekela sihloko<br>-Luhlobo lwembhalo kanye<br>nenkondlo akukavisiswa<br>kahle            | -Sihloko asikavisiswa<br>nakancane<br>-Akukho kucaphuna<br>enkondlweni<br>-Luhlobo lwembhalo kanye<br>nenkondlo akukavisiswa<br>nakancane  |
| SAKHIWO NELULWIMI<br><br>Sakhiwo, Kuhleleka<br>nekwefula<br>Kusetjentiswa kwelulwimi,<br>umoya, nesitayela<br><br><b>3 EMAMAKI</b> | -Sakhiwo lesibumbene<br>ngemalengiso<br>-Imibono yakhwi yahleleka<br>ngalokucace ngemalengiso<br>-Lulwimi, umoya nesitayela<br>kuvutsiwe futsi<br>akunamaphutsa<br>-Emaphutsa eluhlelo,<br>sipelingi netimphawu<br>tekufundza kuyindlala | -Sakhiwo lesicacile<br>lesinemibono lehleleka<br>ngelicophelo leisetulu<br>-Imibono letfuliwe<br>iyalandzeleka<br>-Kunemaphutsa lambalwa<br>elulwimi, umoya nesitayela  | -Bukhona bufakazi lobutsite<br>besakhiwo<br>-Kubumbana nekuhleleka<br>kwemibono kuyenetisa<br>-Lulwimi lunemaphutsa<br>langasho lutfo; umoya<br>nesitayela kuyenetisa  | -Sakhiwo sikhomba<br>emaphutsa ekuhlela<br>-Imibono ayikahleleka<br>ngalokubumbene<br>-Lulwimi lunemaphutsa<br>lamanyenti<br>-Umoya nesitayela<br>akukemukeleki | -Sakhiwo lesingemukeleki<br>nakancane<br>-Imibono ihangahlangene<br>-Lulwimi lolunemaphutsa<br>lamanyenti nesitayela<br>lesingemukeleki<br>-Umoya nesitayela<br>akwemukeleki nakancane |
| <b>KWEHLUKA<br/>KWEMAMAKI</b>  | <b>8–10</b>  | <b>6–7</b>  | <b>4–5</b>   | <b>2–3</b>  | <b>0–1</b>   |

**SIGABA B NA-C: IRUBHRIKI YEKUHLOLA INDZABAMBHALO – YENOVELI NEMDLALO [25 EMAMAKI]**

| Timphawu   | Emalengiso  | Licophelo lelisetulu  | Lokwenetisako   | Lokusilele   | Lokungaphumelelisi  |
|--|---|---|---|--|---|
| <b>LOKUCUKETFWE</b>  | <b>12–15</b>  | <b>9–11</b>   | <b>6–8</b>  | <b>4–5</b>   | <b>0–3</b>  |
| Kuchazwa kweshiolo<br>Kujula kwemibono,<br>Kwesekelwa nekuvisiswa<br>kwetheksthi<br><br><b>15 EMAMAKI</b>  | -Imphendvulo<br>lenemininingwane<br>lengmalengiso<br>lababatekako: 14–15<br>-Imphendvulo<br>lenemininingwane<br>lengmalengiso<br>langababateki: 12–13<br>-Sihloko sichazwe<br>ngalokujulile<br>-Luchungechunge<br>lwemaphuzu lababatekako<br>ekwesekela lacashunwe<br>etheksthini<br>-Luhlobo lwembhalo kanye<br>netheksthi kuvisiswa<br>ngemalengiso | -Imphendvulo<br>lenemininingwane<br>lesecopelwesi lelisetulu<br>-Sihloko sichazwe<br>ngelicophelo lelisetulu<br>kukhomba kusivisia<br>-Lamanye emaphuzu<br>ekwesekela ayevakala<br>kodwa akaketfulwa<br>ngendlela lelindzelekile<br>-Luhlobo lwembhalo kanye<br>netheksthi kuvisiswa<br>ngelicophelo lelisetulu | -Sihloko sichazwe<br>ngalokwenetisako kodvwa<br>akusito tonkhe tinhlangotsi<br>leticikelwelwe ngalokuphelele<br>-Akhona lamanye emaphuzu<br>lamahle leseskela sihloko<br>ngalokwenetisako<br>-Lamanye emaphuzu<br>esekelwe kodvwa esikhatsini<br>lesinyenti bufakazi<br>abukholweki<br>-Kukhona lokusilele<br>ekuvisiseni luhlobo<br>lwembhalo kanye netheksthi | -Sihloko sichazwe<br>ngekunyanyalata<br>ngaphandle<br>kwemininingwane lesekela<br>-Ambalwa kakhulu<br>emaphuzu lafanele<br>kwesekela sihloko<br>-Kuncane kakhulu kuvisiswa<br>kweluhlobo lwembhalo<br>netheksthi | -Kuncane kakhulu kuvisiswa<br>kweshiolo<br>-Mncane kakhulu umzamo<br>wekuphendvula umbuto<br>-Imibono ayikholweki<br>-Luhlobo lwembhalo kanye<br>netheksthi akukavisiswa<br>nakancane   |
| <b>SAKHIWO NELULWIMI</b>   | <b>8–10</b>   | <b>6–7</b>  | <b>4–5</b>  | <b>2–3</b>   | <b>0–1</b>  |
| Sakhiwo, Kuhleleka<br>nekwefula<br>Kusetjentiswa kwelulwimi,<br>umoya, nesitayela<br><br><b>10 EMAMAKI</b> | -Sakhiwo lesibumbene<br>-Singeniso nesipheto<br>lesingmalengiso<br>-Imibono yahhiwe yahleleka<br>ngemalengiso<br>-Lulwimi, umoya nesitayela<br>kuvutsiwe futsi<br>akunamaphutsa   | -Sakhiwo lesicacile<br>lesinemibono lehleleke<br>ngelicophelo lelisetulu<br>-Singeniso nesipheto kanye<br>naletinye tindzima kuhleleke<br>ngalokubumbene<br>-Imibono ihleleke<br>ngelicophelo lelisetulu<br>-Kunemaphutsa lambalwa<br>elulwimi, umoya nesitayela  | -Bukhona bufakazi lobutsite<br>besakhiwo<br>-Kuhleleka nekubumbana<br>-Kuhleleka nekubumbana<br>kwemubono kuyenetisa<br>kodvwa kunemaphutsa<br>-Lulwimi lunemaphutsa<br>lambalwa; umoya nesitayela<br>kuyenetisa<br>-Kuhleleka kwetindzima<br>kuyenetisa  | -Sakhiwo sikhomba<br>emaphutsa ekuhlela<br>-Imibono ayikahleleki<br>ngalokubumbene<br>-Lulwimi lunemaphutsa<br>lamanyenti<br>-Umoya nesitayela<br>akwemukeleki<br>-Kuhleleka kwetindzima<br>kunemaphutsa         | -Kungahaleki kahle<br>kwesakhiwo kukhinyabeta<br>kubumbana kwemibono<br>-Emaphutsa elulwimi<br>nesitayela<br>lesingakemukeleki kwenta<br>lombhalo ungabi<br>yimphumelelo<br>-Umoya nesitayela<br>akwemukeleki<br>-Tindzima tihlangahlangene |
| <b>KWEHLUKA<br/>KWEMAMAKI</b>  | <b>20–25</b>  | <b>15–19</b>  | <b>10–14</b>  | <b>5–9</b>   | <b>0–4</b>  |